

ხარაგაულში ახალი სამედიცინო ჯლინია გაიხსნა

დასაწყისი პირველ გვერდზე



ადგილობრივებისათვის, რადგან მათ სამედიცინო დახმარების მიღება ურთულეს პირობებში უწევდათ. მსგავსი პროექტების განხორციელება იმერეთის იმ მუნიციპალიტეტებშიც იგეგმება, სადაც ამის საჭიროებაა.

ახალი საავადმყოფოს გახსნით მოხარულია კლინიკის მენეჯერი ქეთევან აბრამიშვილი და მთელი კოლექტივის სახელით მადლობას უხდის ცენტრალურ და ადგილობრივ ხელისუფლებას. „ხარაგაულში ახალი კლინიკის აშენება მეტად საჭირო და აუცილებელი იყო. ვფიქრობ, ძალიან კარგი საჩუქარია, რადგან ადგილობრივებს სამედიცინო მომსახურებისათვის სხვა რაიონში წასვლა აღარ მოუწევთ. სამედიცინო დაწესებულება აღჭურვილია თანამედროვე აპარატურით. დამონტაჟდა ახალი რენტგენის აპარატი. გვაქვს მუდმივი დენის წყარო. მადლობა ყველა იმ ადამიანს, ვინც ამ მეტად მნიშვნელოვანი პროექტის განხორციელებაში წვლილი შეიტანა“.

რეგიონალური ჯანდაცვის ცენტრის ხელმძღვანელის, ნუგზარ ბოლქვაძის, თქმით, ახალი საავადმყოფო 14 სანოლზეა გათვლილი და პაციენტებს ნებისმიერი მომსახურების მიღება შეუძლიათ. „ეს არის ულტრათანამედროვე სტაციონარი, ციფრული რენტგენოგრაფიის შესაძლებლობითა და უნიკალური ლაბორატორიით, სადაც შესაძლებელია ყველა ანალიზის გაკეთება. ასევე აქ არის საოპერაციო ბლოკი და საჭიროების შემთხვევაში ოპერაციებიც ჩატარდება.“ - აღნიშნა ბატონმა ნუგზარმა.

მუნიციპალიტეტის გამგებლის მოვალეობის შემსრუ-

ლებლის, პაატა გოგოლაძის, განცხადებით, ხარაგაულში ახალი საავადმყოფოს აშენება ცენტრალური და ადგილობრივი ხელისუფლების ერთობლივი მუშაობის შედეგია.

„წინა ხელისუფლების მიერ იყო დაპირება, რომ ხარაგაულში ახალი საავადმყოფო აშენდებოდა, ან ძველ შენობას ჩაუტარებოდა რეაბილიტაცია. თუმცა დაპირება დაპირებად დარჩა და პრობლემის მოგვარებაზე არაფერი იზრუნა. მას შემდეგ, რაც ხელისუფლებამ „ქართული ოცნება“ მოვიდა, ადგილობრივმა თვითმმართველობამ აქტიურად დაიწყო ამ საკითხზე მუშაობა და შედეგიც სახეზეა. მადლობა ჯანდაცვის სამინისტროს იმისათვის, რომ ჩვენს რაიონში ასეთი თანამედროვე სტანდარტების შესაბამისი კლინიკა ააშენა. ხარაგაულელები ამას ნამდვილად იმსახურებდნენ და მისასალმებელია, რომ ისინი ყველა სახის სამედიცინო მომსახურებას დღეიდან ადგილზე შეძლებენ.“

შეგახსენებთ, რომ გასულ წელს ხარაგაულის მუნიციპალიტეტში „ემერჯენს“ ამბულატორია გაიხსნა. ამბულატორიის საერთო ფართობი 435 კვადრატული მეტრია და ის როგორც მცირე საოპერაციო, ასევე - რამდენიმე ადგილიან პალატას მოიცავს. პროექტი ჯანდაცვის სამინისტრომ დააფინანსა და მასზე, საერთო ჯამში, 548 045 ლარი დაიხარჯა. ამჯერად ამ შენობაში ამბულატორიული და დიაგნოსტიკური მომსახურება დარჩება, ხოლო ახლად აშენებულ საავადმყოფოში პაციენტებს კლინიკური მომსახურება გაეწევა.

პაა შავიძე



ხარაგაულის ისტორიულ მუზეუმში პირველხარისხიანი მუზეუმი გაიხსნა

მეოთხე წელია, რაც მამუკა ჭიპაშვილის (გამგებლის მრჩეველი ტურიზმის საკითხებში) ორგანიზებითა და მუნიციპალიტეტის განვითარებისა და შიდა ტურიზმის ხელშეწყობის ცენტრის მხარდაჭერით სტუდენტური საღამო ტარდება. ტრადიციად ქვეული შეხვედრა 17 სექტემბერს ხარაგაულის ისტორიულ მუზეუმში (დირექტორი ნინო დიდიძე) შედგა.

ლონისძიებს გამგებლის მოვალეობის შემსრულებელი, პაატა გოგოლაძე, გამგეობის კულტურის, განათლების, სპორტისა და ახალგაზრდობის საქმეთა სამსახურის უფროსი, ირინე ჩხეიძე, საგანმანათლებლო რესურსცენტრის წარმომადგენლები და წმინდა ანდრია პირველწოდებულის სახელობის სამლოცველო სახლის წინამძღვარი, ილუმენი ანტონი (სულთანისძვილი) ესწრებოდნენ.



შეგახსენებთ, რომ წელს 83 ხარაგაულელი გახდა სტუდენტი. საღამოს ორგანიზატორმა და გამგებლის მრჩეველმა ტურიზმის საკითხებში, მამუკა ჭიპაშვილმა, კიდევ ერთხელ მიულოცა მათ სტუდენტობა და საველი გზები დაულოცა. „სადაც არ უნდა იყო, მჯერა, თქვენს ქვეყანას გამოადგებით. არ დაივიწყოთ ხარაგაული, სადაც დაიბადეთ, გაიზარდეთ. დიდ პატივისცემას იმსახურებთ იმისათვის, რომ შრომა დაუფასეთ, როგორც მშობლებს, ასევე მასწავლებლებს.“ - აღნიშნა მამუკა ჭიპაშვილმა.

ახალგაზრდებს სტუდენტობა მიულოცა და წამატებები უსურვა გამგებლის მოვალეობის შემსრულებელმა, პაატა გოგოლაძემ:

„ცხოვრების ერთ-ერთ ყველაზე საინტერესო და ნაყოფიერ ეტაპზე გადახვედით. მოხარული ვარ, რომ თქვე-

ნი სახით ძალიან გონიერი თაობა მოდის. რა თქმა უნდა, სკოლის პერიოდი ძალიან მნიშვნელოვანი და ძვირფასია, მაგრამ წინ გელით დიდი გამოწვევა თავისუფალი აზროვნების, შემოქმედებისა და სწავლის. ვისურვებდი, რომ თითოეული თქვენგანი გამდიდრებული ენერჯითა და ცოდნით დაბრუნდებოდეთ ჩვენს რაიონს.“

სტუდენტები დალოცა მამა ანტონმა (სულთანისძვილი) და მარგვეთისა და უბისის ეპისკოპოსის, მეუფე მელქისედეკის (ხაჩიძე), ლოცვა - კურთხევა გადასცა. „ღმერთმა დაგლოცოთ და გაგაძლიეროთ. ეს არის ძალიან დიდი ძალა ხარაგაულისათვის. საამაყოა, რომ აქ პედაგოგები შემართებით მოღვაწეობენ და ასეთ თაობას უზრდინად საქართველოსა და დედა ეკლესიას.“ - აღნიშნა მამა ანტონმა.

კულტურის, განათლების, სპორტისა და ახალგაზრდულ საქმეთა სამსახურის უფროსი, ირინე ჩხეიძე, ძალიან ბედნიერია, რადგან ამდენ მიზანდასახულ და წარმატებულ ახალგაზრდას უყურებს. „მჯერა, რომ თითოეული თქვენგანი სხვადასხვა დარგის მაღალკვალიფიციური სპეციალისტი გახდება. მთელი ამ წლების განმავლობაში ჩვენ არაერთხელ გვექონია შეხება სხვადასხვა საგანმანათლებლო, სპორტულ თუ კულტურულ პროექტებთან. მოხარული ვარ, თუ რაიმე წვლილი შევიტანეთ თქვენს განათლებაში. მადლობა ყველა იმ პედაგოგს, რომლებიც ასეთ მომავალ თაობას უზრდის ხარაგაულს. გისურვებთ წარმატებებს.“ - დასძინა ირინე ჩხეიძემ.

ხარაგაულის საგანმანათლებლო რესურსცენტრის უფროსმა სპეციალისტმა, თინათინ ბოჭორიშვილმა, კურსდამთავრებულების ამ დიდ წარმატებაში ხაზი პედაგოგების წვლილს გაუსვა. „სტუდენტობა მართლაც დაუვიწყარი და არაჩვეულებრივი პერიოდია ადამიანის ცხოვრებაში. მადლობა თქვენს მშობლებსა და მასწავლებლებს იმისათვის, რომ თქვენში ჩადეს დიდი შრომა, ყოველივემ კი თქვენი წარმატება განაპირობა.“

„თქვენ ძალიან ნიჭიერები ხართ და თქვენი იმედი ნამდვილად მაქვს.“ - ამ სიტყვებით მიმართა სტუდენტებს ისტორიული მუზეუმის დირექტორმა, ნინო დიდიძემ და იმედი გამოთქვა, რომ თავიანთი ნიჭითა და შესაძლებლობებით ისინი ხარაგაულს ნამდვილად ასახელებენ.

განსაკუთრებით მოეფერა თავის მოსწავლეებს წმინ-

გაგრძელება მე-3 გვერდზე

საჯარო სკოლაში სასწავლო პროცესი დაიწყო

დასაწყისი პირველ გვერდზე

თაობა იყო წარმატებული. გაუნათლებელი ადამიანი ღირებულს ვერაფერს ვერ შექმნის. ამიტომ განათლებისა და მეცნიერების სამინისტრო ყოველთვის ზრუნავს, სკოლებში სასწავლო პროცესი წარმართოს თანამედროვე სტანდარტების შესაბამისად“ - დასძინა ბატონმა დავითმა.

საფინანსო-საბიუჯეტო კომისიის თავმჯდომარემ ვარლამ ჭიპაშვილმა იმედი გამოთქვა, რომ მომავალი თაობა თავისუფალ და ბედნიერ საქართველოში იცხოვრებს

„ვეურობდები თქვენს დიდ სიხარულს და გამოვთქვამ საფუძვლიან რწმენას, რომ ჩვენი სკოლების მოსწავლეთა დღევანდელი თაობა ღირსეულად განაგრძობს სახელოვან ტრადიციებს და შრომისმოყვარეობით, სიბეჯითით, ცოდნის მწვერვალებისაკენ დაუოკებელი სწრაფვით უამრავ სიხარულს გვაზიარებს.“ - აღნიშნა ბატონმა ვარლამმა.

მესამე საჯარო სკოლის დირექტორმა, მარინე ხვედელიძემ, ამავე სკოლის კურსდამთავრებულის, ნინო კიკნაძის, სახელით პირველკლასელებს საჩუქრად „დედა ენა“ გადასცა და პედაგოგებს, მშობლებსა და მოსწავლეებს ახალი სასწავლო წლის დაწყება მიულოცა.

„15 სექტემბერი ჩემთვის, როგორც სკოლის დირექტორის, მასწავლებლისა და პირველკლასელის დედისთვის ამაღლებულია. 21 პირველკლასელი რწმენითა და მონდობით გაუყვება ცოდნის მწვერვალისაკენ მიმავალ ფართო გზას. თითოეულ მათგანს მივულოცავ ცხოვრების სა-

ინტერესო ეტაპზე გადასვლას. მწამს, ეს გოგო-ბიჭები საქართველოს ნათელი მომავალია. 2016 — 2017 სასწავლო წლის დაწყება, მინდა მივულოცო ასევე ყველა მასწავლებელს, მოსწავლესა და მშობელს. უფლისაგან და-



ლოცვილი გზებით გველოთ და წარმატებები არ მოგკლებოდეთ!“

ახალი სასწავლო წლის დაწყება მიულოცა მოსწავლეებს, მასწავლებლებსა და მშობლებს ასევე N2 საჯარო სკოლის დირექტორმა, ვალერი გოგნაძემ, და გასული სასწავლო წელი შეაჯამა. მისივე თქმით, 2015-2016 სასწავლო წელი მე-2 საჯარო სკოლისთვის საკმაოდ წარმატებული იყო. ბატონმა ვალერიმ „ვეფხისტყაოსნითა“ და სიგელებით წარმატებული მოსწავლეები და პედაგოგები დააჯილდოვა. დაწყებით საფეხურზე საუკეთესო მოსწავლის ნოდება საბა მესხმა მიიღო, საბაზო საფეხურის ნონა მაჭავარიანმა, ხოლო საშუალო საფეხურის საუკეთესო მოსწავლე კესო შარიქაძე გახდა. პედაგოგებიდან გამოირჩნენ: დაწყებით საფეხურზე ლია სანიკიძე, საბაზო და საშუალო საფეხურზე გოჩა ჭყოძია, საუკეთესო დამრიგებლის ნოდება კი რუსუდანი თაბაგარმა მიიღო.

თამარ მაღრაძე

ხარაგაულში პირველხარისხიანი მუზეუმი გაიხსნა

სახელობის ქალაქის სოფელ ვანში ააშენეს

10 სექტემბერს ხარაგაულში მეუფე მელქისედეკმა (ხაჩიძე) და მამა ანტონმა (სულთანისძვილი) წმინდა ნინოს სახელობის ეკლესია აკურთხეს. პატარა ტაძარი სოფელ ვანში ულამაზეს ადგილზე მდებარეობს და იგი ერთადერთია ხარაგაულში, რომელიც წმინდა ნინოს სახელზეა აგებული. ტაძარი საკუთარი ფინანსებითა და თანასოფელეთა დახმარებით როლანდ ტაბატაძემ 2001 წელს ააგო. 2015 წელს კი ეკლესია გიორგი ვართაგავამ მოხატა.



ტაძრის კურთხევას მარგვეთისა და უბისის ეპარქიის წარმომადგენლები, სალანდილის ადმინისტრაციული ერთეულის მაჟორიტარი დეპუტატი, დავით კიკნაძე და სოფელ ვანის მოსახლეობა ესწრებოდნენ.

როლანდ ტაბატაძე: „წინაპრებისგან მსმენია, რომ აქ ადრე წმინდა ნინოს ჯვარი იყო აღმართული. 1998 წელს ჯვარი აღვადგინე და გამაინდა სურვილი, რომ ამ ლამაზ ადგილას პატარა ტაძარი აშენებოდა. პროექტი არჩილ მინდიაშვილმა 2000 წელს სრულიად უანგაროდ გადმოცა და უკვე 2001 წელს ტაძრის აგება დაიწყო. უფლის ნებით, სოფელ ვანს წმინდა ნინოს სახელობის ეკლესია აშენდა. მინდა, თითოეულ შემომწირველს დიდი მადლობა გადავუხადო. მჯერა, ქართველები ერთად ბევრ კარგ საქმეს გააკეთებთ.“

ტაძრის კურთხევა მიულოცა ადგილობრივებს სალანდილის მაჟორიტარმა დეპუტატმა დავით კიკნაძემ: „სასიხარულოა, რომ სოფელ ვანში წმინდა ნინოს სახელობის ტაძარი აშენდა და იქ წირვა-ლოცვა აღევლინება. ეს იმის მანიშნებე-

ლია, რომ ადამიანები დედა ეკლესიის წინა უბრუნდებიან. აღნიშნული ტაძარი როლანდ ტაბატაძის დიდი ძალისხმევით აიგო. მან დიდი დრო, ენერჯია და ფინანსები მოახმარა ტაძრის მშენებლობას. ადგილი, სადაც ტაძარია აშენებული, ძალიან კარგადაა შერჩეული. აქედან ხელისუფლებით მოჩანს ხარაგაულის ულამაზესი ბუნება. ამ ბოლო 25 წლის განმავლობაში ჩვენი ქვეყანა ტაძრების მშენებლობის კუთხით მნიშვნელოვან ნაბიჯებს დგამს. 30 წლის



წინ თუ ტაძრების რაოდენობა, საქართველოში 70 - მდე იყო, დღეს უკვე 1 200-ზე მეტი მოქმედი ტაძარია. მათ რიცხვს უკვე შეემატა ვანის წმინდა ნინოს სახელობის ეკლესია.“

ტაძრის კურთხევის შემდეგ მრევლს მეუფე მელქისედეკმა (ხაჩიძე) მიმართა: „გმობსავე დღევანდელ დღეს, დღეს, რომელიც ყოველთვის გამოჩნეული იქნება ამ სოფლისა და ჩვენი ეპარქიისთვის. მინდა აღვნიშნო, რომ ეს ტაძარი პირველია ხარაგაულის მუნიციპალიტეტში, რომელიც წმინდა ნინოს სახელზე აიგო. მადლობა ღმერთს ყველაფრისთვის. მიხარია, შეგვენევეს ძალა იმისა, ვაშენოთ ტაძრები, რომლებსაც ღმერთამდე მივყავართ. უფალმა დაგლოცოთ ყველა, ვინც ამ ტაძრის მშენებლობაში მიიღეთ მონაწილეობა. განსაკუთრებით მინდა, დავლოცო ბატონი როლანდი, რომელმაც ძალ-ღონე არ დაიშურა, რათა ტაძარი ასეთი ლამაზი გამოეყოლიყო. მადლობა იმ ღვანლისთვის, რაც თითოეულმა თქვენგანმა გაიღეთ. ღმერთმა დალოცვილები გამყოფოთ, იხარეთ ორსავე სოფელსა შინა.“

პარიანა ბურჯალაიანი

უხვი ნალექის შედეგად დაზიანებული ინფრასტრუქტურის აღსადგენად ტენდერი გამოცხადდა

2015-2016 წლებში სხვადასხვა სტიქიური მოვლენის შედეგად დაზიანებული ინფრასტრუქტურის სარეაბილიტაციოდ საქართველოს მთავრობის N1553 განკარგულებით ხარაგაულის მუნიციპალიტეტში 204 900 ლარი გამოიყო. აღნიშნული თანხა ძირითადად გზებისა და ხიდების რეაბილიტაციის, ნაპირსამაგრი სამუშაოებისა და გაბიონების მოსაწყობად დაიხარჯება. სამუშაოების განხორციელების მიზნით ხარაგაულის მუნიციპალიტეტში ტენდერი უკვე გამოაცხადა. ტენდერში გამარჯვებული კომპანიები უახლოეს დღეებში გამოვლინდება და აღნიშნული თანხით შემდეგი პროექტები განხორციელდება:

სოფელ ბაზალეთში - დევედარიანების საუბნო გზის შეკეთება;
 სოფელ ბაზალეთში - ქიპაშვილების საუბნო გზის შეკეთება;
 სოფელ ლარსიხეში - ცენტრალური გზის შეკეთება;
 სოფელ ვახანში - ცენტრალური გზის შეკეთება;
 სოფელ ვახანში - შიგა სასოფლო გზების რეაბილიტაცია;
 სოფელ ვახანისა და სოფელ სერბაისის დამაკავშირებელი ხიდის აღდგენა;
 ვარძიში - შიგა სასოფლო გზებისა და სანიაღვრე არხების რეაბილიტაცია - განმეორება;
 კიცხის პირველ უბანში - გზების, სანიაღვრე არხებისა და წყალგამტარი ბოგირების რეაბილიტაცია;
 სოფელ ბორში - გზის, სანიაღვრე არხისა და წყალგამტარი ბოგირის რეაბილიტაცია;
 სოფელ ქვეში - ცენტრალური გზის რეაბილიტაცია;
 სოფელ ნებოძირში - დაზიანებული გზის მონაკვეთების შეკეთება;
 სოფელ დეისში - დაზიანებული გზის მონაკვეთების შეკეთება;
 ლაშის ადმინისტრაციულ ერთეულში - ლაშის, უჩამეთის, ხემაღლისა და იგორეთის სასოფლო გზების შეკეთება;
 სოფელ ზვარეში - შიდა საუბნო გზის შეკეთება;
 სოფელ ჩრდილში - კაოთისა და კომკის უბანში გზების შეკეთება;
 სოფელ ფარცხნალში - არღუნაშვილების უბანში წყალგამტარი რგოლების განმეორება;
 სოფელ ახალსოფელში - ოკიშურის ცენტრალური გზისა და სანიაღვრე არხის შეკეთება;

სოფელ ახალსოფელში - წყალგამტარი ბოგირის შეკეთება;
 სოფელ ახალსოფელში - ბოლოლიანების უბანში წყალგამტარი ბოგირისა და გზის შეკეთება;
 ლუდუმეჩეთში - ხიდბოგირის რეაბილიტაცია;
 სოფელ ისლარში - ნაპირსამაგრის მოწყობა;
 სოფელ ისლარში - გაბიონის მოწყობა;
 სოფელ ჩხერში - ცენტრალური გზის გასწორება;
 სოფელ ზარანში - ცენტრალური გზის გასწორება;
 ხიდარში - სოფლის დასაწყისში, დაზიანებული გზის მონაკვეთის შეკეთება;
 სოფელ ხიდარში - დაზიანებული ხიდის რეაბილიტაცია და მდინარის კალაპოტის განმეორება;
 სოფელ ხიდარში - საჯარო სკოლამდე მისასვლელი გზის შეკეთება;
 ხიდარში - მთის გზის გასწორება;
 ხიდარში - ჯორტების საუბნო გზის გასწორება;
 ხიდარში - მასხარიშვილების საუბნო გზის გასწორება;
 ლორეშაში - საუბნო გზებისა და წყალგამტარი მილების განმეორება - რეაბილიტაცია;
 ლორეშაში - საჯარო - მარიამწყაროს გზისა და წყალგამტარი მილების შეკეთება-განმეორება;
 ლორეშაში - სოფლის ნისქელის არხის შეკეთება;
 ლახუნდარში - ცენტრალური გზის რეაბილიტაცია;
 ნიფისა და გუდათუნის დამაკავშირებელი ხიდ-ბოგირის შეკეთება;
 ხუნევიში - კოშკის უბნის გზის შეკეთება;
 ვერტყვიჭალაში - ცენტრალური გზის შეკეთება;
 ვერტყვიჭალაში - ზ.ლურსმანაშვილის საცხოვრებელი სახლის საყრდენი კედლის აღდგენა;
 ხევიში - საავტომობილო გზის შეკეთება;
 ნაქვაში - საავტომობილო გზის შეკეთება;
 გრიგალაში - საავტომობილო გზის შეკეთება.
 შეგახსენებთ, რომ აღნიშნული სამუშაოების განსახორციელებლად 204 900 ლარი დაიხარჯება.

პაპ შავიძე

ხარაგაულის საგანმანათლებლო რესურსცენტრში სკოლის დირექტორებთან შეხვედრა გაიმართა

12 სექტემბერს ხარაგაულის მუნიციპალიტეტის საგანმანათლებლო რესურსცენტრში სკოლის დირექტორებთან თათბირი გაიმართა. თათბირზე, რესურსცენტრის უფროსმა, დავით კიკნაძემ, 2016-2017 სასწავლო წელთან დაკავშირებით ისაუბრა და 8 სექტემბერს განათლებისა და მეცნიერების მინისტრ ალექსანდრე ჯეჯელავასთან გამართული შეხვედრა მიმოიხილა. დავით კიკნაძემ დირექტორებს ახალი სასწავლო წლის დაწყება და ტრენინგ-კურს „ლიდერის“ წარმატებით გაველი მიულოცა. მისი განცხადებით, 25 წლის განმავლობაში წელს პირველად ხარაგაულში პირველკლასელთა მატება დაფიქსირდა და სკოლაში 204 პირველკლასელი შევიდა. დავით კიკნაძემ განათლებისა და მეცნიერების მინისტრთან გამართულ შეხვედრაზე გაამახვილა ყურადღება და აღნიშნა, რომ ალექსანდრე ჯეჯელავას ინფორმაციით, 2017 წლის განათლებისა და მეცნიერების სამინისტროს ბიუჯეტი 100 მილიონი ლარით გაიზარდება. მისივე თქმით, სკოლის დირექციისთვის, ტექნიკური პირებისა და რესურსცენტრის თანამშრომლებისთვის ხელფასების ზრდა იგეგმება.



შეხვედრაზე დავით კიკნაძემ მთავრობის დადგენილებას გააუქმებ, რომელიც პროექტ „ეტალონი“ (ავტორი და წამყვანი გოჩა ტყეშელაშვილი) ეხება. მომავალში ის მუნიციპალიტეტი, საიდანაც „ეტალონი“ გამარჯვებული მოსწავლე გამოვლინდება, რამდენიმე მილიონ ლარს მიიღებს. ამ თანხით კი მუნიციპალიტეტში ერთ-ერთი მნიშვნელოვანი პროექტი განხორციელდება.

გელსამანიში სოფლის ცენტრალური გზის მოხატონა მიმდინარეობს



ხარაგაულის მუნიციპალიტეტში ინფრასტრუქტურული პროექტების განხორციელება აქტიურად მიმდინარეობს. სოფელ გელსამანიის ცენტრალური გზის მონაკვეთი იმ პროექტთა შორის ერთ-ერთია, სადაც გზის რეაბილიტაცია ხორციელდება. სამუშაოები მთავარი მაგისტრალიდან სოფლის ცენტრამდე გზის 3 კმ მონაკვეთზე ბეტონის საფარის მოწყობას ითვალისწინებს. პროექტის ფარგლებში განსაზღვრულია სანიაღვრე სისტემის მონერგვა. სამუშაოები რეგიონული განვითარების ფონდის დაფინანსებით ხორციელდება და მისი ღირებულება 439 428 ლარს შეადგენს.

სოფლის ცენტრალური გზის რეაბილიტაციას შ.პ.ს „დალა 73“ ახორციელებს. გელსამანიში 3 კმ-იანი გზის მოხატონების სამუშაოები თვის ბოლოსთვის დასრულდება.

პაპ შავიძე

ბაზალეთში გზის სარეაბილიტაციო სამუშაოები დასრულდა

ხარაგაულის მუნიციპალიტეტის სოფელ ბაზალეთიდან ლარსიხეის გადასახვევამდე ერთკილომეტრიანი გზის რეაბილიტაცია დასრულდა. გზაზე ასფალტის საფარი დაიგო და სამუშაოები ტენდერში გამარჯვებულმა კომპანიამ შპს „საპონელამ“ შეასრულა. პროექტი რეგიონული განვითარების ფონდიდან დაფინანსდა და მის განსახორციელებლად 230 249 ლარი დაიხარჯა. შეგახსენებთ, რომ ხარაგაულის მუნიციპალიტეტის სოფელ ბაზალეთში 2.5 კმ. სიგრძის გზას რეაბილიტაცია გასულ წელს ჩაუტარდა. აღსანიშნავია, რომ გზის მონაკვეთი ამ დრომდე სრულად ამორტიზებული იყო, რაც მგზავრებისა და ტრანსპორტის გადაადგილებას საფრთხეს უქმნიდა. ახლა კი მოქალაქეებს კომფორტულ და მოწესრიგებულ გზებზე უნევეთ გადაადგილება.



პაპ შავიძე

ხარაგაულის ისტორიულ მუზეუმში პირველწარსულთან შეხვედრა გაიმართა

დასაწყისი მე-2 გვერდზე

და ანდრია პირველწოდებულის სახელობის სასულიერო გიმნაზიის პედაგოგი, ზეინაბ ბუაჩიძე, „ბედნიერი ვარ, რომ საქართველოს ასეთი თაობა ჰყავს. თითოეულ სტუდენტს გილოცავთ ამ ბედნიერ დღეს. აქ არიან ჩემი უსაყვარლესი მოსწავლეები, რომლებიც ნამდვილად ვამაყობთ ყველა. ბევრი თქვენგანი სწავლას და მოღვაწეობას ალბათ საზღვარგარეთაც გააგრძელებს. ჩემი სურვილია, თქვენი პატარა სამშობლო, პატარა მიწა - წყალი, თქვენი ხარაგაული, არასდროს დაივიწყოთ.“

საკრებულოს საფინანსო - საბიუჯეტო კომისიის თავმჯდომარე, ვარლამ ქიპაშვილი, პირველკურსელებს მიესალმა და ცოდნის ერისა და ქვეყ-

ნის სასიკეთოდ გამოყენება უსურვა. შეხვედრის შემდეგ პირველკურსელებმა ისტორიული მუზეუმში დაათვალიერეს. მცირე ექსკურსი მათ ამავე სამსახურის თანამშრომელმა, ირმა დეკანოსიძემ, ჩაუტარა. მუზეუმიდან ახალგაზრდებმა წმინდა ანდრია პირველწოდებულის სამლოცველო სახლში გადაინაცვლეს, სადაც მამა ანტონმა (სულთანშვილი) მათთვის პარაკლისი აღავლინა. ღონისძიების დასასრულს, ტურიზმის ცენტრის თანამშრომლების მიერ სტუდენტებისთვის კაფე - სალამო გაიმართა, სადაც სხვადასხვა სახის გასართობი შეჯიბრება მოენყო. გამარჯვებულნი მამუკა ქიპაშვილისა და იზა ვეფხვაძის წიგნებით დასაჩუქრდნენ.

თამარ მაღრაძე



„სოფლის მხარდაჭერის პროგრამის“ ფარგლებში ხარაგაულში მნიშვნელოვანი ინფრასტრუქტურული სამუშაოები განხორციელდა

რამდენიმე წელია, რაც საქართველოში „სოფლის მხარდაჭერის პროგრამა“ ხორციელდება. მისი ძირითადი მიზანია სოფლის სოციალურ-ეკონომიკური საჭიროებების მოგვარება და ადგილობრივი ინფრასტრუქტურის აღდგენა-რეაბილიტაცია. აღნიშნული პროგრამის ფარგლებში ხარაგაულის მუნიციპალიტეტში ბევრი პრობლემა გადაწყდა. სოფლის კრებებზე მოსახლეობის მიერ შერჩეული პროექტები დაფინანსდა და მათზე მუშაობა შეფერხებების გარეშე ხორციელდება. მიმდინარე წელს „სოფლის მხარდაჭერის პროგრამის“ ფარგლებში ხარაგაულის მუნიციპალიტეტს 685 310 ლარი გამოეყო. აღნიშნული თანხის ფარგლებში გზები მოიხრეშა ბორითში, ლორეშასა და ხუნევიში, რისთვისაც ჯამში 13 500 ათასი ლარი გამოიყო. სამუშაოები ტენდერში გამარჯვებულმა ი/მ „ბაგრატ გაგომიძემ“ შეასრულა. სარეაბილიტაციო სამუშაოები ჩატარდა ვანის ცენტრალურ გზაზე, სხლითში (ტოროშელიძეების უბანში), ლუდუმეჩეთსა და ახალსოფელში. პროექტის განსახორციელებლად 19 110 ლარი დაიხარჯა. ამორტიზებული გზების შეკეთება აქტიურად მიმდინარეობს ასევე ვახანში, ზვარეში, ნიფაში, კიცხსა და წყალაფორეთში. პროგრამის ფარგლებში უახლოეს მომავალში გზების რეაბილიტაცია იგეგმება ლეღვისა და ლაშის ადმინისტრაციულ ერთეულებში. ბორითში „სოფლის მხარდაჭერის პროგრამის“ ფარ-

გლებში მოხდა მავთულბადის, სასწორის, ტარიანი სიმინდის საფუძველი მიქსერისა და პროექტორის შესყიდვა. სოფელ ვახანში მოსახლეობამ ასანყობი რკინის კონსტრუქცია (სეფა) შეიძინა. ლორეშის ადმინისტრაციულ ერთეულში სამშენებლო ქვის (ბლოკის), ნისქელის ქვისა და კონდიციონერის შესყიდვა განხორციელდა. წყლის ავზები შეიძინეს ბაზალეთის, სარგვეშისა და ბორითის ადმინისტრაციული ერთეულების მოსახლეობამ. ლაშე, ბაზალეთი, სარგვეში, ლორეშა, ბორითი, ნიფა, ზვარე, მოლითი, ვახანი, ფარცხნალი და კიცხი ის სოფლებია, სადაც „სოფლის მხარდაჭერის პროგრამის“ ფარგლებში მოსახლეობისთვის პოლიეთილენის მილები შეიძინეს. ასევე სხვადასხვა საჭიროებისთვის ცემენტი შეისყიდეს ლაშის, ბაზალეთის, ლორეშის, ბორითის, მოლითისა და ვახანის ადმინისტრაციული ერთეულებისთვის. კიცხსა და ხუნევიში სოფლის პროექტებით, მოენყო საყრდენი კედლები. ნადაბურსა და ხუნევიში ლობები გაკეთდა. სამუშაოების განსახორციელებლად 17 763 ლარი დაიხარჯა. ნიფის, ვახანისა და ფარცხნალისათვის თუნუქის სახურავის შესყიდვა მოხდა. ასევე ნიფის მოსახლეობისათვის ხელის (სათიბი) ტრაქტორი შეიძინეს. ბორითის, მოლითის, ვახანისა და ზვარის ადმინისტრაციული ერთეულების სარიტუალო დარბაზებისთვის ჭურჭელი შეიძინეს.

გაგრძელება მე-4 გვერდზე

